

տակամած չէնքն, յայտնի ապացոյց էին լսածնե-  
րուս: Կարող չեղայ մտացս մէջ համաձայնելու այդ  
երկու հակասական իրքն՝ վանք՝ հոգևորականաց  
կրթութեան տեղի՝ և միանգամայն հասարակաց  
գրօսարան: Թէպէտ և եղան զրուցողներ որ վանքը  
այն առթիւ բաւական շահ կը ստանայ, այլ ես  
զրուցեցի, (և միայն իրաւամբ կարծեմ և արդարու-  
թեամբ) թէ պէտք չէ այն շահը՝ որ դպրաց բա-  
րոյական վնասովն լինի: Կարելի է սխալիմ՝ ըն-  
թերցողն կտրող է դատաստան կտրել: Ընդհան-  
րապէս Նախիջևանու Սուրբ Խաչը շունի վսեմ  
կերպարանքը, ինչ որ կ'ընծայէ ցայտօր Սուրբ Նշան  
Ղրիմու որոյ վրայ կ'արժէ համառօտիւ խօսիլ առ-  
թիւս:

Ղրիմեցի վանքին հին կոչումը Սուրբ Նշան է,  
չէնած յառաջին կէս Ժ.Գ դարու ճենովացուց Ղրի-  
մու տիրապետութեան միջոց, ոչ հեռի Սուրխաթ  
քաղաքէն իւր անտառին մէջը Կազարաթ կոչուած  
մեծ աւանին վրայ, ուր նստելով թեմակալ առաջ-  
նորդք, հինգ հարիւր տարուան միջոց կառավարել  
են թերակղզույս հայասեռ ժողովուրդը: Կազա-  
րաթ մեծ աւանը՝ ծուխ կամ վիճակ եղած է Սուրբ  
Նշանի, որոյ ցարդ մնացած քարուքանդ դերբուկ-  
ները՝ վկայ են զրուցածիս: Յիշատակարան մի  
յանուանէ կը յիշէ հայաբնակ քաղաքներն և գե-  
ղերը, որք էին ընդ իշխանութեամբ Սուրբ Նշանի  
արքեպիսկոպոսին, և իրենց առատ տրուք վերա-  
նորոգել են զՍուրբ Նշան. ինչպէս հայասեռ ժո-  
ղովուրդք « Կաֆայու, Ղարասույու, Պաղչասարա-  
յու, Կէօզլէվու բոլոր գիւղօրէիքն, հանդերձ Ղա-  
շանաւն... 'ի ժամանակս առաջնորդութեան Աղա-  
մայ արքեպիսկոպոսի կղզույս »: Ի Սուրդաթէ